

Rancangan Datuk Hussein mengisi hari2 persaraan

'Saya akan berehat sepuasnya'

DATUK Hussein Onn berkata, hari-hari persaraannya akan diisi dengan berehat sepuas-puasnya di samping melakukan kerja-kerja sukarela yang berfaedah.

"Saya tidak akan aktif lagi di bidang politik. Cukuplah setakat ini saja saya berjuang di bidang yang penuh cabaran itu," katanya kepada para pemberita di kedliaman-nya di Seri Taman, petang ini.

Sebelum itu, Datuk Hussein mem-pengerusikan mesyuarat Maj. Tertinggi Barisan Nasional selama setengah jam saja.

Bellau yang kelihatan tenang dan sekali-sekali bergurau tidak silu-silu menjawab pertanyaan pemberita yang ingin tahu kisah-kisah sukadukanya.

"Buat masa ini saya belum membuat apa-apa rancangan untuk mengisi umur persaraan. Saya akan berehat lebih-lagih lagi di bulan puasa," katanya.

Datuk Hussein juga berkata, beliau akan berhari raya di Kuala Lumpur bersama isteri dan anak-anak dan sahabat handai.

"Bolehlah ramai-ramai datang ke rumah saya di hari raya ini, tetapi tidak di Seri Taman seperti tahun-tahun lalu," katanya lagi.

Ketika ditanya sama ada ingin menulis buku

KUALA LUMPUR,
—Robu—

mengenai riwayat hidup dan perjuangannya, Datuk Hussein berkata: "Tidak, saya tidak bercadang menulis buku seperti itu. Saya berpendapat, kisah-kisah hidup saya tidak begitu menarik," katanya sambil bergurau.

Bagaimanapun, lebih suka mengisi masa lapangnya dengan membaca buku. "Saya suka membaca buku-buku politik, kadang-kadang cerita perang. Tapi saya tidak begitu berminat membaca buku kisah-kisah cinta," katanya berterus-terang.

Menang

Bellau juga menerangkan detik-detik yang paling mengembirakannya. "Setakat ini saya rasa detik yang paling gembira ialah ketika kempen pilihanraya umum 1978 dan Barisan Nasional menang," jelasnya.

Katanya, di saat-saat itu, beliau melupakan apa jua masalah yang sedang dihadapi di samping menumpukan sepenuh tenaga untuk memegang teraju negara.

Ketika ditanya detik-detik yang dianggap malang baginya, Datuk Hussein berkata: "Sejauh yang saya tahu, saat-saat malang atau kejatuhan tidak ada menimpa saya.

"Bagaimanapun saya sedar, banyak jua

masalah yang saya hadapi ketika menjadi Perdana Menteri, tapi saya hadapi semua itu dengan tabah dan tenang," katanya jujur.

Mengenai hasratnya menunaikan haji ke Mekah sekali lagi, Datuk Hussein berkata: "Insha Allah, saya akan pergi, tapi masanya belum tahu."

Di akhir perbualan, Datuk Hussein berharap, negara akan terus maju di bawah pemerintahan Perdana Menteri yang baru, Datuk Seri Dr. Mahathir Mohamad.

"Saya benar-benar berharap, parti-parti komponen dalam Barisan Nasional terus maju dan berganding bahu bagi kestabilan politik negara," ujarnya.

Mengenai ABEAN pula, beliau tidak banyak komen, tapi yakin negara-negara yang menyertai ABEAN akan terus berpadu dan mengekalkan tradisi berkecuali, mewujudkan kawasan aman dan damai.

Bahan asal dari Arkib
Negara Malaysia